

Poesie di Martino Venturella

Mastru Martinu, lascarese.

Trascrizione a cura di Martina Bonanno.

SUONNU O REALTA'

Era lu suonnu o puru fui misteru?
lu munnu avia canciatu, paria veru
ntè stradi mi misi a caminari
cun surprisa mi misi a curiusari

Tutti li genti erinu contenti
e nuddu i murava indifferenti
nun'esisteva cchiù la priputenza
e mancu cera cchiù la dilinguenza

nun'esisteva cchiù l'abbannunatu
e mancu cchiù esisteva lu drucatu
nun cera cchiù la lotta ntè partiti
nun cera cchiù la mafia e mancu liti

Tuttu si faceva in'armonia
puru i dulura si ni eru via
la terra paria lu paradisu
e tutti si salutavunu c'un sorrisu

vuleva ca lu tempu si firmassi
e st armonia pri sempri durassi
all'impruvvisu però mi svegliai
amariggiatu tuttu attornu trovai

l'incantesimu di corpu avia finitu
pruvai gran pena e mi sintiu pirdutu
e vulgivi lu sguardo ntà lu celu
e vitti a Cristu cu lo so vangelu

chiddu ca detti paci p'ì l'umanità
a l'omini di bona voluntà
ma l'omini cuntinuanu a sbagliari
e vuonnu cuntinuamenti guirriggiari

sulu c'ù Cristu la paci s'acquista
e fora diddu nun si trova pista

deci cumannamenti su bastanti
pì li poviri, li ricchi e li rignanti

c'ù deci cumannamenti bastirà
pì dari paci p'ì l'umanità
sta banna chi sta sira avemu ccà
eni l'esempiu di l'umanità

cu setti noti metti l'armunia
e in tutti i cori metti l'alligria
viremu allegri amici e parenti
guardannu li carusi chi strumenti

cu li dirigi? u prufissuri Guzzetta
e li cumanna cu la so bacchetta
strumenti ca parino giocattuli
e tammurina fatti di barattuli

nescinu suoni e fannu miraviglia
di marci, pezzi d'uopira o quadriglia
la musica, la paci simboleggia
e quannu suona nun sempri festeggia

formunu veramenti l'armunia
la cosa chiu' bella chi ci sia
dicemulu macari avirmaria
facemu fatti dopu a fantasia

ci fussi st'armunia nta la famiglia
nta lu cumuni na bella quadriglia
pruvinci, regiuni, nazionali
chisti armunii nun stassiru mali

se ogni uomu di tuttu lu munnu
guardassi la so cuscenza tunnu, tunnu
e poi liggissi li cumannamenti
furmassi l'armunia di li strumenti

lu suonnu allura si rialzassi
contenti si pagassiru li tassi
picchi' ci fussi la vera armonia
chi mastro martinu vi scrissi in fantasia.

IN OMAGGIO AL SS. CROCIFISSO

Da quannu lu munnu fu criatu
l'omu ricanusciu lu gran supremu
ma vinni di lu serpenti circondatu
ca ci sciusciau tuttu lu vilenu.

Adamu ed Eva tra li primi genti
hannu disubbiditu a li cumanni
si ficiru tintari du serpenti
e foru cunnannati pi tant'anni.

Foru i profeti pi donu divinu
c'annunziaru cu la profezia
la granni vinuta du bambinu
o meglio, la vinuta du Missia.

Passaru l'anni e vinni lu momentu:
l'angilu annunziò lu granni misteru
fui un Natali di risurgimentu
la liggi di lu novu ministeru.

Chistu Missia, chiamatu Gesù
dittò la liggi, ma cu tantu amuri
liggi ch'ancora oggi si, ci su
e cu li rispetta segui lu signori:

e pi sta liggi fu perseguitatu
rea di morti fu riconosciutu
fu misu 'nta la cruce e fu 'nchiuvatu
dannu all'umanità lu granni aiutu.

Purtò la paci e la tranquillità
pi tutta la genti di lu munnu
pi l'omini di bona volontà
ma ancora oggi tanti ci ni sunnu,

ancora chi ci tiranu pitrati
quantu ci nieni 'nta stu munnu munnu
chi di sta liggi su mali 'nfurmati
ca se vogliu cuntalli mi cunfunnu.

Luca, Matteo, Marcu e Giovanni
chi ci hannu scrittu lu santu Vangelu;
Gesù maistru, pi trentatri anni
fici la strata pi ghiri 'nto cielu.

E pi sta strata hannu cumbattutu
li martiri,li santi,li beati,
e chistu è ormai di tutti risaputu
ca ci ni sunnu stati in quantitati.

‘Nta tutti li città cu granni arduri
e macari ‘nte picculi burgati
un santu s’hannu scertu a pruttitturi
ed ogni annu vieni fistiggiatu

Tra tutti li città c’eni macari
lu nostru tantu amatu paisellu
e veramenti putemuni priari
i nostri avi sciglieru u cchiù bellu

Sciglieru a Gesù Cristu ‘nta la Cruci
e l’hannu viniratu cu gran firi
ca vieni sempri di ittari vuci:
divinamenti s’ha fattu scurpiri

Pi comu s’arracunta ‘nta leggenda
st’artista geniu di picurarellu
‘nto pagiareddu iddu s’accuntenta
ca sula compagnia dun’agnellu

E quannu la statua finiu
apparvi Cristu a lu picurareddu
pi prima ‘nta facci ci ririu
e poi ci rissi: “Senti picciutteddu

stu lignu chi sta statua facisti
comu se fussi un granni sculturi;
com’è ca accusi afflittu mi facisti?
Tu sinni dignu di lu Criaturi”.

Lu picurareddu dissi a lu Signuri:
“Io un nta vistu, ‘nto cori t’aveva
ma se t’avissi vistu ‘nta ddi uri
ancora chiù afflittu ti faceva”.

Poi di rapputi a Lascari u purtaru
Ma quali fu lu granni misteru:
a Santa Maria si firmaru
pisanti si fici di liggieru.

Poi unu di li dodici picciotti
guardannu a li compagni ci ripenza:
“Livamini li scarpi ‘nta du botti,
‘mpiruni nu purtamu, ‘mpinitenza.

‘Nto ‘n corpu foru scavusi compatti
cantannu ripigliaru a camminari
satavunu chiù meglio di li jatti:
si fici leggermentiu ripurtari.

E seguitaru cu tutta la firi:
l’hannu vulutu sempri vinirari
di grazi n’hannu avutu a nun finiri
di oru l’hannu fattu caricari.

Li emigrati di tuttu lu munnu
ma spicialmenti di li Stati Uniti
sempri prisenti tutti quanti sunnu
cu sordi e cu la firi, e lu sapiti.

Ora sbagliamu tutti quanti semu
si sta strata vulemu diviari
e sarò tardu quannu n’accuremu:
lu dannu nun si po’ cchiù riparari.

Signuri lascoroti e circostanti
Ora scusati chi vi vogliu diri:
“E’ bella la festa cu cantanti,
ma prima di tuttu ci voli la Firi.

Ora dumannu scusa a tutti quanti
se va tinutu ‘n pocu ‘npinitenza;
ma dopu miditatici un istanti
e dati a Cristu chista confidenza:

Cristu pirdunu, Cristu di la Cruci,
pietà pi mia, dunimi la paci;
illumina cu lu to faru di luci,
e lu piccatu miu fallu chi taci.

Glorificamu sempri a lu Signori
diciemulu macari sempri e spissu
e lu dicemu cu tuttu l’arduri:
Viva pi sempri Gesù Crucifissu!